

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 22. sjednici, održanoj dana 02.06.2023. godine, d o n o s i

ZAKLJUČAK

I.

Prihvata se Mišljenje Ministarstva za pravosuđe i upravu Zeničko-dobojskog kantona, broj: 06-04/2-02-4762-1/23 od 26.05.2023. godine o Inicijativi za izmjenu člana 16. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), poslanika Šabanović Elmina.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Broj: 02-_____/23
Datum, 02.06.2023. godine
Z e n i c a

Amra Mehmedić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Zeničko-dobojski kanton

n/r Premijera Kantona

Stručna služba Vlade Kantona

n/r Sekretara Vlade

Zenica, 26.05.2023. godine

Naš znak: 06-04/2-02-4762-1/23

Veza akt broj: 02-1-02-4762-1/23 od
28.03.2023.godine

PREDMET: Mišljenje na Inicijativu -dostavlja se;

Ministarstvu za pravosuđe i upravu Zeničko- dobojskog kantona (u daljem tekstu: Ministarstvo) Stručna služba Vlade Zeničko- dobojskog kantona je aktom, broj: 02-1-02-4762-1/23 od 28.03.2023.godine, dostavila akt Stručne službe Skupštine, broj: 01-02-4762/23 od 24.03.2023. godine Inicijativu poslanika Šabanović Elmina za izmjene člana 16. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona”, broj: 10/15 i 8/22), u daljem tekstu: Zakon.

Ista je dostavljena i Ministarstvu za boračka pitanja Zeničko-dobojskog kantona na mišljenje, kako bi se kao resorno ministarstvo izjasnili i dali mišljenje o istom, a radi daljeg postupanja u vezi sa predmetnom inicijativom. Inicijativom se traži izmjena člana 16. stav (1). Zakona radi usklađivanja sa odredbama člana 13. Zakona o federalnim ministarstvima i drugim tijelima federalne uprave („Službene novine Federacije BiH“, broj: 58/02, 19/03, 38/05, 2/06, 8/06 i 61/06, 48/11).

U vezi predmetne inicijative daje se sljedeće izjašnjenje:

U inicijativi se navodi da je, zbog datuma kojim je definisan period u članu 16. Zakona o kantonalnim ministarstvima i drugim tijelima kantonalne uprave, Ministarstvo za boračka pitanja ograničeno da braniocima omogući pravo do demobilizacije što je propisano u članu 2. Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19 i 29/22), gdje je propisano do 22.04.1996. godine, te da ova ograničenja ne postoje u članu 13. Zakona o federalnim ministarstvima i drugim tijelima federalne uprave.

U izjašnjenju Ministarstva za boračka pitanja, u aktu broj: 13/02-02-4762-1/23 od 26.04.2023. godine, stoji da odredbe člana 2. Zakona o pravima demobiliziranih branilaca i članova njihovih porodica propisuju: „Demobiliziranim braniocem, u smislu ovog zakona, smatra pripadnik Armije Republike Bosne i Hercegovine, Hrvatskog vijeća odbrane i policije nadležnog organa unutrašnjih poslova koji je učestvovao u pripremama za odbranu ili u odbrani Bosne i Hercegovine u periodu od 18.09.1991. godine do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica. Iz citirane odredbe proizilazi definicija demobiliziranog branioca utvrđena u smislu tog zakona i da su utvrđena i određena ograničenja u smislu perioda učešća u oružanim snagama.

Dalje navode da Ministarstvo za boračka pitanja, u svom djelokrugu nadležnosti osim Zakona o demobiliziranim braniocima i članovima njihovih porodica, postupa i po drugim federalnim zakonima: Zakonu o pravima branilaca i članova njihovih porodica, Zakona o posebnim pravima dobitnika ratnih priznanja i odlikovanja i članova njihovih porodica i dr.

Svi ovi zakoni propisuju prava i uslove za ostvarivanje prava branilačke kategorije koja se pretežno ostvaruju sa federalnog nivoa a čija se sredstva obezbjeđuju u budžetu Federacije BiH. Za prava za koja se propisuje da će se ostvarivati iz budžeta kantona, definisano je da će kantoni donijeti propis kojim će urediti kriterije, uslove i postupak ostvarivanja. Prava se ne ostvaruju bezuslovno i ne ostvaruju ih sva lica iz određene kategorije branilaca. Kako se radi o dopunskim pravima, kantoni u ostvarivanju svojih nadležnosti ne definiraju na isti način prava i uslove kako je to na Federalnom nivou. Također, ne postoji utvrđena obaveza usklađivanja Zakona o kantonalnim ministarstvima i drugim tijelima kantonalne uprave sa Zakonom o federalnim ministarstvima i drugim tijelima federalne uprave, obzirom na djelokrug, nadležnosti i specifičnosti organizacije i funkcionisanja istih.

U izjašnjenju Ministarstva za boračka pitanja također je navedeno da za svako od prava propisanih Zakonom o dopunskim pravima branilaca, Vlada Zeničko- dobojskog kantona je Uredbama definisala uslove, način i postupak ostvarivanja istih gdje se za period učešća u oružanim snagama u trajanju od 24 mjeseca ili 12 mjeseci, u zavisnosti od prava koje se ostvaruje, pretežno tretira period 06.04.1992 do 23.12.1995. godine, te slijedom toga navedeni poredak ukazuje na činjenicu da preciziranje datuma u članu 16. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona”, broj: 10/15 i 8/22) ne utiče na mogućnost ostvarivanja prava na kantonalnom nivou.

Dalje je navedeno da za svako od prava propisanih Zakonom o dopunskim pravima branilaca, Vlada Zeničko- dobojskog kantona je Uredbama definisala uslove, način i postupak ostvarivanja istih gdje se za period učešća u oružanim snagama u trajanju od 24 mjeseca ili 12 mjeseci, u zavisnosti od prava koje se ostvaruje, pretežno tretira period 06.04.1992 do 23.12.1995. godine. Preciziranje datuma u članu 16. Zakona o ministarstvima i drugim tijelima državne uprave, ne predstavlja ograničenje odnosno ne utiče na mogućnost ostvarivanja prava sa kantonalnog nivoa.

Ministarstvo za pravosuđe i upravu, zbog svega naprijed navedenog, a u cilju postupanja u skladu sa Mišljenjem Ministarstva za boračka pitanja, kao resornim ministarstvom, je mišljenja da u datom trenutku predmetna inicijativa shodno navedenoj argumentaciji nije provodiva.

Napominjemo, da je Ministarstvo za pravosuđe i upravu kao i Ministarstvo za boračka pitanja već ranije postupalo i dalo mišljenje po istoj inicijativi koju je uputilo Jedinствено udruženje demobilisanih boraca 92-95 Zavidovići, o čemu je Vlada Zeničko- dobojskog kantona donijela Zaključak broj: 02-02-1530/23 od 27.01.2023. godine, a koji je prema navodima iz dopisa Stručne službe Skupštine, istog dana proslijeđen i poslanicima Skupštine.

S poštovanjem,

MINISTAR

Dostavljeno:

2 x naslovu,

1 x Stručna služba Skupštine

n/r Sekretara

1 x a/a

Edin Hasaničević



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba
